

3.

A D
ILLVSTRISSIMVM
VENETIARVM
PRINCIPEM
NICOLAVM PONTIVM.

Casaris Thorane Oratio.



*Venetijs, Apud Ioannem Baptistam
ab Hostio. 1578.*

THE UNIVERSITY OF CHICAGO

LIBRARY
OF THE
UNIVERSITY OF CHICAGO

CHICAGO, ILL.

THE UNIVERSITY OF CHICAGO
LIBRARY



IOAN. TRIVISA.

IVRIS VTR. DOC. VENET.

PATRIARCHAE AMPLISSIMO

DALMATIAEQ. PRIMATI.

Cæsar Thorana. S. P. D.

EA semper fuit amicitiae vis (Antistes amplissime) ut, cum, quæ difficillimè agere possumus, ab amicis rogamur, summo afficiamur dolore, ac, quo pacto illis obtemperare possimus, omni nostro studio quæramus. hinc factum fuit, ut cum quamplurimi, quibuscum summa mihi est familiaritas, & quos mirificè diligo, quãdam me orationem ad Illustrissimum Principem Nicolaum Pontium habiturum intellexerint, eamq; ut edere vellem precibus obsecrauerint, maximis statim iactari fluctibus ceperim, summus enim amor, ac beneuolentia, qua illos prosequor, eorum me voluntati morem ge-

rere impellebat, ipsius vero orationis tum re-
rum, tum verborum tenuitas ne in lucem eam
proferrem postulabat: Quid igitur consilij ca-
perem consideranti, illud in mentem mihi ve-
nit, si eam alicui dicarem, cuius nomine muni-
retur, illis me obtemperare posse: Quod cum fa-
cere decreuerim, nonnullos præstantissimos ani-
mo cõtemplatus viros, te vnum reperi, & quem
ipse præ ceteris valde obseruo, ac veneror, & cu-
ius vitę integritatem, animiq; virtutes admirā-
tur omnes. Quis enim oratorum eloquentissi-
mus eas oratione enarrare posset: Quas, ne quod
fieri minime potest, aggredi videar, præmitte-
re satius esse duxi: Itaq; digneris (præses nun-
quam satis laudatę) hanc alacri animo, hilariq;
facie humilem suscipere orationem, tuoq; no-
mine illustrare, vt quod per se acquirere nequit,
per te adipiscatur, ea quoque signum sit maxi-
mę, qua te colo obseruantię: teq; certum redat,
me, dum viuam, Deum Opt. Max. semper depre-
caturum, vt, qui te in hoc sæculo huius ciuitatis
animarum curę pastorem præesse voluit, post-
quam charus omnibus diu vixeris, in altero san-
ctorum Patriarcharum cætui, quorum vestigia
imitari studes, aggregari concedat.



V M nobis affectus adeo dominantur (Princeps Illustrissime, Vosquē Senatores gloria clari) ut ad ea, quæ difficillima videntur, peragenda homines sepius impellant: Et vere gaudentiū sit, quicquid animo conceperint, reticere non posse, nemini vestrum mirum videri debet, si adhuc balbutiens, & qui uix primoribus labijs prima litterarum elementa attigi, quō propter huius Illustrissimi Principis electionem summo perfundor gaudio ductus, fereq; impulsus hanc dicendi prouinciam sumere non dubitavi. Fateor equidem, quæ singula oratoribus maximum semper iniecerunt timorem, ea mihi se se nunc obijcere vniuersa: audientium dignitatem, in quos cum oculos conijcio, totidem mihi Principes cernere videor: loci amplitudinem, quæ omnibus semper fuit admirationis; ipsius materiam orationis, quam omnino arduam dicere oportet, cum & affectus nostri, & huius Illustrissimi Principis laudes verbis exprimi nequeant: ac denique dicentis faciundę, ac poliundę orationis ignorantiam, qui dicendi artem necdum adeptus sum. verumtamen cum animaduerto me apud eos dicturum, qui meæ non solum etatis, sed nimis etiam, qua afficior, letitię rationem habebunt, timorem omnem non solum depono, verum etiam tantum mihi animi accedit, ut cum me huc contulerim, pauca quedam de communi omnium gaudio, & de huius Principis laudibus dicturus, vestrum mihi silentium, beneuolentiam, attentionemq; pollicear.

Incredibile est (Princeps sapientissime) qua sint affecti omnes letitia, & quibus exultauerint gaudijs, cū uirtutes ipsas suis quasi manibus in hoc amplissimo dignitatis gradu te collocasse intellexerint. Quis enim ignorat quā plurimas à cæteris principibus gratulandi tibi causa (id nūq; coram facere minime poterant) missas litteras fuisse, de ijs autem omnibus, qui Veneti filij sunt domini, quid dicendum est? neminem illorum fuisse credo, quin sublatis in cælum manib. omnium rerum moderatori Deo Opt. Max. singularibus verbis gratias egerit, qui horum collegio patrum eam dederit mentem, ut, quem in ista collocarent dignitate, te potissimum deligerent: Quæ enim singula aliquem Principatu reddere dignum possunt, in te reperiuntur omnia: Animi sapientia, Vitæ integritas, Reipublicęque amor. sed quoniam opus est, ut de tuis laudibus nonnulla dicantur, idque cum aliqua tua fieri molestia necesse est: Quemadmodum enim quisque sa-

pica-

pietissimus est, sic laudes audire suas inuitus consuevit : hanc à te veniam supplex etiam, atque etiam peto, vt de tuis virtutibus, quæ toto orbe iam pridem sparsa, ac disseminata sunt, ea me strictim, & modicè attingere patiaris: Hic autem si orationis vel a pandere, & per tuarum mare laudum decurrere instituiam, vereor ne cum principium vel facile reperero, ad finem peruenire non queam. nam quæ numerari potest vllò in genere virtus, quæ in te non maximè emineat ? Mihi igitur (Princeps prudentissime, Patresque clarissimi) veniam tribuatis, si, quæ demonstrare incepero, imperfectè exposuero, ac totum percurrere mare non posse præuidēs, mutata velificatione ad terram accedere tentauero: vbi è portu egredior, ventis statim, ac tuæ summæ animi sapientiæ cum eloquentia coniunctæ fluctuum multitudine agitari me adeo sentio, vt & vela, & nauigandi artem iam mihi deesse fatear. Omnibus enim apertum est, te, cum ad eam, quæ studijs apta videretur peruenieris ætatem, cunctis, quorum causa nonnulli studia omnino deserunt, commodis spretis, vt scientijs diu, noctuq; operâ nauare posses, Patavium petiisse, vbi cum optime sapiētiā sine eloquentia, hæcque sine illa minime prodesse cognosceres, multum in vtriusque studio temporis magna cum animi tui delectatione consumpsisti : in eis vero quantum profeceris, id aperte declarat, quod adhuc iuuenis facillimum tibi fuit de illis duabus quæstionibus publice discere, Quæquid Aristoteles, Quæquid Auetoes scripserint, rectè eos scripsisse: quæ discèptatio præter alias omnes, quas perspectas, & cognitās esse credo, in maximam, qui te audierunt, & hoc iurè quidem, traduxit admirationem : eas profecto in studijs progressionibus fecisti, vt Doctoris insignia summa tua cum laude consequutus fueris, quod cæteris ferè dignitatibus, & apud te præsertim præstat, & si quisq; vel eloquentia, vel Philosophia tantum præditus, maximas omnium consensu meretur laudes, quæ reperiri possunt: quibus te, cum maximus, & orator & Philosophus sis, ad cælum efferre possumus ? id profecto sapientissimo huic Senatui apertum fuit, qui Venetias redeunti, publicè tibi legendi munus imposuerunt, quod cum præclare obires, propè innumerabiles ad te audiendum studentes iuuenes veniebant, ac tuam miram in dicendo eloquentiam, summam in quæstionibus soluendis sapientiam admirabantur omnes. Hinc factum fuit, vt Senatus quamplurimas tibi legationes mandauerit : nam ad Carolum Quintum Imperatorem inuictissimum legatus missus fuisti, sæpeq; ad summos Pontifices, & ad eum præcipuè Paulum tertium, qui tua perspecta tum eloquentia, tum etiam sapientiā, equestri te dignitate decorauit. Sed quis modus esset

esset, si quibus honorifice functus es, in singulis immorari dignitatibus, ac insistere vellem? tam latum, ac profundum mihi se se offerre mare tuatum video laudum, ut & vela commutare, & quem cepi, minime tenere cursum cogar. Sed quoquo me verto, tui occasionem laudandi invenio, quæ enim lingua dicere audeat, qua semper fueris vitæ integritate? & cum id potius, quid diuinum quam humanum sit, verbis exprimi fas esse non arbitror. hoc tantum mihi dicendum esse censeo, cum opus fuerit legatos deligere ad sacrosanctam Tridentinam Synodum, quod munus cum singularem industriam, diligentiam, fidem, animi magnitudinem, gravitatem, ac eloquentiam, tum maximam postulabat vitæ integritatē, (ibi enim de summa Fidei, Religionisq; fundamentis agebatur) te ipsum præ cæteris elegerunt: Nam, quem ipsi ob eius vitæ sanctitatem præferretis (Patres illustrissimi) neminem iudicio vestro habuistis: quod munus hilari suscipiens animo; ad illum te contulisti sanctorum patrum cætum, ubi, qui interfuerunt maxima affecisti admiratione verborum, sententiarumq; gravitate, cum non minus sapientissimè quam sanctissimè de omnibus verba habueris. Quid de hoc plura? Regnotum omnium, civitatumq; gubernator Deus Opt. Max. ob eam, quæ semper in te maxima fuit Religio, vsq; in hanc adset uenit ætatem, ut quæ vitæ sanctitatem colentes decet viros, hac fruere dignitate. Sed quibus, & quo vehor: ventis? quàm profundum ingressus summare? illius vastitate ita perturbor, ut non ulterius progredi, sed terram tenere cupiam. in ea quoq; (Princeps Illustrissime) de iis dicendi laudibus maxima mihi superat copia: Non enim me fugit, te hanc nostram omni laude dignissimam civitatem eo semper prolequitum fuisse amore, & benevolentia, ac potius pietate, ut quam vita tibi charior fuerit: Namq; omnes norunt, quos adieris labores, quæ subieris pericula, ut ei prodesse: Quoniam, cum patriæ omnia nos debere animaduerteres, quicquid tibi pro illius honore, ac amplitudine à Senatu mandatum fuit, libenter semper confecisti: & quamvis multa inessent pericula, quibus mouentur ferè omnes, nullam unquam tamen tibi difficultatem pertimescendam, nullum evitandum periculum putasti, dummodo Rempublicam tuam aliquo angere cōmodo posses. Nemo denique reperitur, qui ignoret, quanta assiduitate, & charitate miserrimis & calamitosissimis pestilentiæ temporibus patriæ tuæ, quàm plurimis, abeuntibus, præsto fueris, & quod omnium admiratione dignum profectò est, cum aliorum consuetudinem vitarent omnes, publicis quotidie interfuisti supplicationibus: Optime enim à Deo bona nobis esse omnia sciebas, & quid amplius? vitam ipsam, quod perfecti

signum

pietissimus est, sic laudes audire suas inuitus consuevit: hanc à te veniam supplex etiam, atque etiam peto, ut de tuis virtutibus, quæ toto orbe iam pridem sparsa, ac disseminata sunt, ea me strictim, & modice attingere patiaris: Hic autem si orationis vel a pandere, & per tuatum mare laudum decurrere instituiam, vereor ne cum principium vel facillime reperero, ad finem peruenire non queam. nam quæ numerari potest vllò in genere virtus, quæ in te non maximè emineat? Mihi igitur (Princeps prudentissime, Patresque clarissimi). veniam tribuatis, si, quæ demonstrare incepero, imperfecte exposuero, ac totum percurrere mare non posse præuidēs, mutata velificatione ad terram accedere tentauero: ubi è portu egredior, ventis statim, ac tuæ summæ animi sapientiæ cum eloquentia coniunctæ fluctuum multitudine agitari me adeo sentio, ut & vela, & nauigandi artem iam mihi deesse fatear. Omnibus enim apertum est, te, cum ad eam, quæ studijs apta videtur peruenieris ætatem, cunctis, quorum causa nonnulli studia omnino deserunt, commodis spretis, ut scientijs diu, noctuq; operâ nauare posses, Patavium petiisse, ubi cum optimè sapiētiam sine eloquentia, hæcque sine illa minime prodesse cognosceres, multum in vtriusque studio temporis magna cum animi tui delectatione consumpsisti: in eis vero quantum profeceris, id aperte declarat, quod adhuc iuuenis facillimum tibi fuit de illis duabus quæstionibus publice disceptare, Quicquid Aristoteles, Quicquid Auctores scripserint, rectè eos scripsisse: quæ disceptatio præter alias omnes, quas perspectas, & cognitās esse credo, in maximam, qui te audierunt, & hoc iure quidem, traduxit admirationem: eas profecto in studijs progressionēs fecisti, ut Doctoris insignia summa tua cum laude consequutus fueris, quod cæteris ferè dignitatibus, & apud te præsertim præstat, & si quisq; vel eloquentia, vel Philosophia tantum præditus, maximas omnium consensu meretur laudes, quæ reperiri possunt: quibus te, cum maximus, & orator, & Philosophus sis, ad cælum efferre possimus? id profecto sapientissimo huic Senatui apertum fuit, qui Venetias redeunti, publicè tibi legendi munus imposuerunt, quod cum præclare obires, propè innumerabiles ad te audiendum studentes iuuenes veniebant, ac tuam miram in dicendo eloquentiam, summam in quæstionibus soluendis sapientiam admirabantur omnes. Hinc factum fuit, ut Senatus quamplurimas tibi legationes mandauerit: nam ad Carolum Quintum Imperatorem inuictissimum legatus missus fuisti, sepeq; ad summos Pontifices, & ad eum præcipuè Paulum tertium, qui tua perspecta tum eloquentia, tum etiam sapientia, equestri te dignitate decorauit. Sed quis modus esset

esset, si quibus honorifice functus es, in singulis immorari dignitatibus, ac insistere vellem? tam latum, ac profundum mihi se se offerre marituum video laudum, ut & vela commutare, & quem cepi, minime tenere cursum cogar. Sed quoquo me verto, tui occasionem laudandi invenio, quæ enim lingua dicere audeat, qua semper fueris vitæ integritate? & cum id potius, quid divinum quam humanum sit, verbis exprimi fas esse non arbitror. hoc tantum mihi dicendum esse censeo, cum opus fuerit legatos deligere ad sacrosanctam Tridentinam Synodum, quod munus cum singularem industriam, diligentiam, fidem, animi magnitudinem, gravitatem, ac eloquentiam, tum maximam potestabat vitæ integritatē, (ibi enim de summa Fidei, Religionisq; fundamentis agebatur) te ipsum præ cæteris elegerunt: Nam, quem ipsi ob eius vitæ sanctitatem præferretis (Patres illustrissimi) neminem iudicio vestro habuistis: quod munus hilari suscipiens animo; ad illud te contulisti sanctorum patrum cætum, ubi, qui interfuerunt maxima affecisti admiratione verborum, sententiarumq; gravitate, cum non minus sapientissimè quam sanctissimè de omnibus verba habueris. Quid de hoc plura? Regnorum omnium, civitatumq; gubernator Deus Opti-
Max. ob eam, quæ semper in te maxima fuit Religio, usq; in hanc ad ætatem, ut quæ vitæ sanctitatem colentes decet viros, hac frueris dignitate. Sed quibus, & quo vehor ventis? quàm profundum ingressus summare? illius vastitate ita perturbor, ut non ulterius progredi, sed terram tenere cupiam. in ea quoq; (Princeps Illustrissime) de laude dicendi laudibus maxima mihi superat copia: Non enim me fugit, te hanc nostram omni laude dignissimam civitatem eo semper prolequentum fuisse amore, & benevolentia, ac potius pietate, ut quam vita tibi charior fuerit: Namq; omnes norunt, quos adieris labores, quæ subieris pericula, ut ei prodesse: Quoniam cum patriæ omnia nos debere animadverteres, quicquid tibi pro illius honore, ac amplitudine à Senatu mandatum fuit, libenter semper confecisti: & quamvis multa inessent pericula, quibus mouentur fere omnes, nullam unquam tamen tibi difficultatem pertimescendam, nullum evitandum periculum putasti, dummodo Rempublicam tuam aliquo augere cōmodo posses. Nemo denique reperitur, qui ignoret, quanta assiduitate, & charitate miserrimis & calamitosissimis pestilentia temporibus patriæ tuæ, quàm plurimis, abeuntibus, præsto fueris, & quod omnium admiratione dignum profectò est, cum aliorum consuetudinem vitarent omnes, publicis quotidie interfuisti supplicationibus: Optime enim à Deo bona nobis esse omnia sciebas, & quid amplius? vitam ipsam, quod perfecti
signum

ghum est amoris, pro ea posuisti. ò nimium erga Rem publicam tuam
amorem, ò Pietatem omnibus seculis prædicandam, ò spectandam vi-
tæ integritatem, ò summam animi sapientiam, ò nos ter, quateiq; bea-
tos, quib. te Principem habere datum est: Gaude igitur, latereq; (Prin-
ceps præstantissime) quoniam cum alijs, quæ maxime quidem sunt, po-
tuit fueris dignitatibus, summus hic honor tuis summis meritis iam-
pridem debitus, nunc tandem tibi omnium gaudio diuinitus delatus
est, & eam consequutus es gloriam, quæ uix cælo capi posse videtur: Il-
lam enim nulla vnquam obscurabit vetustas, nulla delebit obliuio:
Nam, quæ tam ingrata erunt litteræ, quæ de tuis cõtescant laudibus?
sed etiam si omnes, qui ubiq; sunt eloquentissimi, communi studio ad
eas celebrandas, quicquid habent in dicendo virium, conferrent, mi-
nimam quidem earum partem assequi possent. gaudeamus, læte-
murq; omnes (Patres amplissimi, vosq; astantes) & vultu, oculis, ma-
nibus, voce, motu, gestuq; corporis quascunq; possumus gaudij signifi-
cationes demus, fore sperantes: vt qui se per totam vitam omnibus
maximis dignissimum honoribus præbuit, tantum dignitatis gradum
pari virtute tueatur; Magna enim nobis, & illustria supeditant argumē-
ta, cur ita credere debeamus: Hic profecto is erit, quem vocabant om-
nes: nos enim dicebamus, petimus opitulante, vos verò (Patres am-
plissimi) nos sapientem, ex quorum primis verborum litteris in vñum
reductis, Pons efficitur: Nam vere quidē & pauperibus opitulabitur,
& omnia maxima reget sapientia, quiq; cum diu vixerit, charus suis,
metuendus hostibus, vtrisque venerandus, satur vitæ, satur gloriæ, mo-
riens ad immortalitatem, eternitatemq; fruendam se conferret. Dixi.

F I N I S.

W

